

STRUČNI FORUM

**TRANSPARENTNIM I ODGOVORNIM RADOM
GRADIMO POVJERENJE I JAČAMO
FILANTROPIJU**

ZAPISNIK

Vrijeme održavanja: 04.10.2024. od 14:00-17:00 sati

Mjesto održavanja: Hotel Mellain, Tuzla

Moderator:

- Tahir Žustra, moderator

AGENDA

Uvod:

- Jasna Jašarević, direktorica Fondacije tuzlanske zajednice

Panel diskusija:

- Damjan Ožegović, Transparency international – „Transparentno za integritet“
- Aida Daguda, CPCD – “Transparentno za partnerstvo”
- Hajdi Mostić, Filantropski forum – “Transparentno za filantropiju”
- Alija Hamzić, Mreža za izgradnju mira – “Transparentno za održivost”

Diskusija sa učesnicima:

- 43 (31Ž; 12M) učesnika iz slijedećih organizacija: USAID - Sarajevo; Centar za mlade (CEM)- Travnik; Jericho Fondacija -Zenica; Mreža za izgradnju mira-Sarajevo; Mozaik Fondacija-Sarajevo; Filantropski forum-Sarajevo; Telemach Fondacija-Sarajevo; Transparency International - Banja Luka; Vijeće mladih FBiH- Sarajevo; Fondacija za podršku I razvoj mentorskih programa - Stariji brat, starija sestra- Sarajevo; Mreža aktivnih zajednice (MAZ) – Tuzla; KUD “Lola” - Sarajevo; Fondacija LAILA – Brčko; Udruženje RUSAG – Prijedor; Lokalna Fondacija Bijeljina (LFBN) - Bijeljina; Udruženje za edukaciju profesionalno osposobljavanje I socijalno osnaživanje osoba sa invaliditetom Tuzlanskog kantona “RE-SET” – Tuzla; Udruženje građana slovenačkog porijekla – Tuzla; Udruženje žena “Napravi razliku”- Sarajevo; Društvo za medicinski I biološki inženjering u BiH (DMBIUBIH) – Sarajevo; Ured Trag Fondacije u BiH - Sarajevo; Centar za promociju civilnog društva (CPCD) – Sarajevo; Omladinski resursni centar (ORC) – Tuzla; Udruženje građana Šahovski klub “Zmaj”- Vučkovci, Gradačac; Udruženje građana Klub lavova-Lions club- Tuzla; MIOS- Tuzla; Agora centar – Tuzla; Udruženje za edukaciju, psihosocijalnu pomoć I reasocijalizaciju osoba u stanju socijalne potrebe “Početak”- Tuzla; Vive žene – Tuzla; Omladinsko Udruženje “REaktiv” -Zenica; Javna Ustanova Tuzlanska razvojna agencija- Tuzla; Udruženje Mreža nenasilne komunikacije; World vision BiH; Udruženje “Priateljice”; Udruženje za razvoj, unapređenje I podršku zajednice – Teslić;

Stručni forum se organizira od strane Fondacije tuzlanske zajednice, u okviru manifestacije “Dani filantropije 2024”, koji se drugu godinu zaredom održavaju s ciljem podizanja svijesti o važnosti njegovanja filantropije i kulture darivanja za razvoj civilnog društva u BiH. Ova kampanja je podržana od strane Vlade SAD-a putem USAID BiH aktivnosti Snaga lokalnog - Naša zajednica je naša odgovornost, koju implementira Fondacija tuzlanske zajednice uz podršku lokalnih partnera.



Moderator: Predstavnici tri sektora, javnog, poslovnog i građansko-neprofitnog su se okupili kako bi poslali snažnu poruku javnosti da su odlučni u namjeri da jačaju povjerenje u filantropiju i rad za opštu društvenu korist kroz transparentan i odgovoran rad za opšte dobro društva. Svi akteri koji učestvuju u aktivnostima od javnog interesa, iz sva tri sektora, imaju etičku obavezu prema svojim članovima i zaposlenicima, kao i javnosti, da svoje aktivnosti provode na transparentan i odgovoran način. Dodatno, svi oni trebaju da redovno i otvoreno informišu javnost o svojim društveno korisnim misijama, aktivnostima, finansijama, postignućima i utjecaju na društvo i zajednice u kojima djeluju. Informacije treba da budu lako dostupne u javnosti, čime se jača povjerenje u njihov društveno koristan rad.

***Cilj stručnog foruma** je da se zajednički istraži koliko odgovorno poslovanje utiče na opšti razvoj društva i koliko transparentno izvještavanje o rezultatima rada, donacijama i partnerstvima jača povjerenje i odigraava dugoročnu održivost civilnog društva.*

Forum je započeo minutom šutnje u znak sjećanja na žrtve nedavnih poplava, čime su svi prisutni izrazili solidarnost sa stradalima. Unatoč teškim okolnostima, četiri panelista su uspjela prisustvovati. Moderator Tahir se zahvalio svima koji nesebično i filantropski pomažu unesrećenima. Učesnici su pozvani i da pozovu broj koji je prikazan, a putem kojeg se simboličan iznos od 2,00 KM donira unesrećenima.

Uvod: Jasna Jašarević

Uvod na temu “Transparentno za naše povjerenje”, Jasna Jašarević, Direktorica Fondacije tuzlanske zajednice. Gđa Jašarević se zahvalila prisutnima na dolasku i iskazanoj želji da na ovom Stručnom forumu zajednički radimo na promoviranju transparentnosti i odgovornosti u radu organizacija civilnog društva (u daljem tekstu OCD) u BiH. Započela je sa predstavljanjem važnosti postojanja i jačanja civilnog sektora, koji je u Evropi prepoznat kao stub demokratije i ključni akter za prevazilaženje mnogih izazova današnjice. Istakla je da se trenutni trend sužavanja prostora za rad civilnog sektora u Evropi, te da trebamo slijediti primjere OCD u EU kako bismo poboljšali naš rad. U Bosni i Hercegovini, kao i u EU, OCD su generatori društvenih promjena, što se želi pokazati i u danima filantropije. Priče o važnosti OCD-ova trebaju više da se pričaju i da budu više zastupljene u javnom prostoru. Dobrih primjera je mnogo ali se malo govori o njima te ovakvi događaji kao što je stručni forum su idealna prilika da se krene putem te promjene. Dalje, Jasna Jašarević je istakla još nekoliko poteškoća sa kojima se danas OCD susreću:

- Nevladin sektor (u daljem tekstu NVO) je često zanemaren od strane javnog sektora, iako se situacija poboljšava, nije na odgovarajućem nivou.
- Postoje razne predrasude prema NVO sektoru koje trebaju biti prevaziđene jer one otežavaju rad OCDova. Filantropiju je teško promovisati a izostaju i finansiranja od preduzeća zbog nepovjerenja.
- OCDovi sami doprinose navedenom nepovjerenju jer su njihovi podaci o radu često nevidljivi i teško dostupni. U Tuzlanskom kantonu postoji oko 1200 organizacija a samo nekolicina njih je vidljiva građanima.
- Uspostavljen je registar OCD na nivou BiH, ali njihovi podaci nisu ažurirani.

- Mediji nisu dovoljno uz OCD, ne promovišu ih dovoljno a OCD je potrebno više prostora obzirom da aktivnosti koje rade i oblasti u kojima su zastupljeni
- OCD rade na zagovaranju transparentnosti u javnom sektoru a nekada ni same nisu transparentne, što utječe na povjerenje javnosti

Stoga je istaknuto da se pokaže transparentno i odgovorno poslovanje u svim sektorima, pa tako i u civilnom:



- Za saradnju sa agencijama drugih država i različitih donatora, transparentnost i odgovornost su jedna od prvih preduslova koje moramo ostvariti.
- Javnost očekuje lako dostupne informacije o projektima i finansijskim sredstvima
- Transparentan rad pomaže OCD da privuče donatore i partnere iz svih sektora
- Transparentnim radom OCD povećava svoj uticaj u zajednici i jača svoj položaj u društvu
- Transparentnost u javnom sektoru se ostvaruje kroz javni pristup informacijama
- Transparentnost može prevenirati korupciju i zloupotrebu javnih sredstava

Predstavljani su i odgovori organizacija koje su dali predstavnici organizacija na pitanje „Na koji način, po Vašem mišljenju, organizacija/institucija pokazuje ili dokazuje transparentan i odgovoran rad?“:

- *“Organizacija/institucija mora imati javno objavljene izvještaje koje mora javno promovirati prema građanima_kama. Važno je da se budžeti objave na web stranicama zajedno s projektima.”*
- *“Namjenskim trošenjem budžetskih sredstava, po planovima i programima, te sve navedeno predstaviti putem medija svih oblika.”*
- *“Javnom objavom svojih aktivnosti, transparentnim utroškom sredstava, posebno prema donatorima. Zatim pozivanjem i uključivanjem drugih sličnih udruženja ili volontera u svoje aktivnosti, posebno mladih.”*
- *“Isticanjem svih aktivnosti i planova rada dostupnim javnosti”*
- *“Ispunjenjem datih obećanja, prihvatanjem odgovornosti ukoliko se isti ne ostvare, davanjem mogućnosti običnim građanima uvida u proces realizacije kao i njihovog učešća u odlučivanju.”*
- *“Redovno objavljivanje informacija o radu; Otvoren i inkluzivan proces odlučivanja; Jasno definisane politike i procedure djelovanja.”*
- *“Po dostupnosti informacija o svom radu na web stranici, društvenim mrežama, dostupnosti izvještaja, dokumenata, te po povratnim informacijama korisnika.”*

U nastavku je predstavljen rad Fondacije tuzlanske zajednice na promoviranju transparentnosti i odgovornosti kao važnog dijela cjelokupnog ekosistema za razvoj filantropije. U okviru Radne grupe, koja je oformljena kroz partnerstvo u okviru USAID-ovog programa Snaga lokalnog, dati su prijedlozi standarda transparentnosti i odgovornosti, te sljedeća teorija promjene: “Ako povećamo transparentnost i vidljivost filantropskih sredstava koja dodjeljuju i koriste filantropske i druge organizacije u Bosni i Hercegovini, te ako povećamo njihovu sposobnost i znanje da ta sredstva koriste efikasno, na transparentan i odgovoran način, onda ćemo će razviti veliku mrežu organizacija koje su pouzdane, osnažene i prepoznate kao važan akter u ukupnom ekosistemu za razvoj filantropije u BiH.”

Predstavljani su standardi transparentnosti i odgovornosti koji su dobili naziv “Zvijezde transparentnosti i odgovornosti”. Četiri standarda bi trebala da pomognu OCD-ima da izvrše samoprocjenu svoje organizacije i svog rada u kontekstu transparentnog i odgovornog poslovanja. Svaki od standarda bi trebao da informiše javnost o tome gdje posluje, ko su naši predstavnici, ko su korisnici, kakve su nam finansije, te da li se gradimo partnerstva i

razmišljamo o održivost svoga rada. Kroz ovaj proces samoprocjene, OCD bi osnažila kapacitete, radila na unapređenju rada, čime bi dobila više legitimiteta i povjerenja od strane građana, ali i drugih sektora, kao potencijalnih donatora.

Lista transparentnih organizacija

[Dodaj organizaciju](#)[Prijava](#)



Zvezda transparentnosti i odgovornosti za OCD u BiH

Radna grupa za izradu prijedloga standarda transparentnosti i odgovornosti, u julu 2023. otvorila je proces konsultacija sa OCD u BiH o važnosti transparentnog i odgovornog rada. Radna grupa smatra da bi udruženja i fondacije u BiH, kroz efikasno predstavljanje svoje misije, korisnika i sredstava koja troše u lokalnim zajednicama širom BiH, vođeni vrijednostima humanosti, etičnosti i filantropije, mogle značajno povećati povjerenje javnosti u svoj rad i tako podići reputaciju cijelog civilnog sektora u BiH.

[Lista transparentnih organizacija](#)[OCD standardi BiH](#)



PRVI NIVO: BRONZANA ZVJEZDA TRANSPARENTNOSTI I ODGOVORNOSTI

DRUGI NIVO: SREBRNA ZVJEZDA TRANSPARENTNOSTI I ODGOVORNOSTI

TREĆI NIVO: ZLATNA ZVJEZDA TRANSPARENTNOSTI I ODGOVORNOSTI

ČETVRTI NIVO: PLATINUM ZVJEZDA TRANSPARENTNOSTI I ODGOVORNOSTI

Dodatno je predstavljen on-line alat, postavljen na stranicu Doniraj.ba, u vidu testne Liste transparentnih organizacija. Ovdje bi se našle one OCD koje žele da pokažu da posluju transparentno, tako što bi popunile upitnik, ten a osnovu datih informacija, bi dobile odgovajuću Zvezdu transparentnosti i odgovornosti: bronzanu, srebrnu, zlatnu i platinastu. Lista je trenutno u testnoj fazi, te će u narednim mjesecima, Fondacija radiit na pozivanju OCD da se priključe inicijativi. Planirano je da se organizacije same prijavljuju, a da zvezda koju dobiju važi jednu godinu. Istu bi mogli prikazati kao bedž na svojoj web stranici ili nekim promotivnim materijalima. Organizacije bi same birale podatke koje žele da budu vidljive javno na ovoj listi.

Panel diskusija

- Tahir & Damjan Ožegović**

Tahir: “Damjane, Transparency će nas uskoro početi obasipati analizama. Gdje smo ovog trenutka kada govorimo o korupciji?”

Damjan: “Istraživanje za Bosnu i Hercegovinu se radi iz insotranstva, to je praksa Transparen-y-a. BiH je na 55. Mjestu što se tiče korupcije. Situacija je veoma loša. Trenutno smo najgori u cijeloj Europi i već 12 godina ne bilježimo napredak. Bosna i Hercegovina ne uspeva da se izbori sa korpucijom. Prema svim anketama koje smo radili imamo informacije da su i nižerangirani činovnici podložni korupciji. Za ostvarivanje bilo kog prava građani su u situaciji da moraju platiti ili na neki drugi način pružiti protuuslugu. Globalni pokret Transparency je zbog toga i odlučio ovdje osnovati odjeljak. Imamo situacija još od rata gdje su brojna donatorska srestva nestajala u privante džepove još od rata.”

Tahir: “Transparen-y poznajemo kao međunarodnu organizaciju. U BiH djeluje već 22 godine. Vaša vizija se zalaže za svijet oslobođen od korupcije. Koji su to alati kojima se koristite u BiH?”

Damjan: “Postoji nekoliko primarnih načina: Prvi je osnaživanje samih institucija, dajemo im pomoć u svakom mogućem smislu. Naprimjer, centralna izborna komisija ne uspeva sa svojim kapacitetima iznijeti sve što se dešava na terenu, pomažemo im sa pregledanjem izvještaja političkih stranaka i slično. Drugi alat je zagovaranje za pozitivne promjene i unapređenje zakonskog okvira koji treba da služi državi i svim građanima. To su naprimjer zakoni koji štite osobe koje prijavljuju korupciju, zakon za slobodu informacija i sl. Dalje, transparentnost nastojimo osigurati kroz dva načina a to su: nesmetan pristup svim izvještajima te “reaktivna transparentnost” - kod koje se informacije daju na traženje onda kada su potrebne.

- Tahir & Aida Daguda**

Tahir: „Centar za promociju civilnog društva pokrenuo je izradu Etičkog kodeksa za OCD u BiH. Koliko je važno ujedinjavanje organizacija koje rade po istim načelima i imaju visoke standarde transparentnosti, onih koje žele biti dobre i žele dobro raditi?“

Aida: „Vrijednosti koje nosimo kao osobe i organizacije civilnog društva su veoma važne a i ono jedino što nam ostaje u ovakvim vremenima. Integritet je veoma važan – misliti i raditi isto. Sretan je ko uupsije pomirit sve navedeno. Budem jako žalosna kada vidim da navedeno organizacije ne poštuju. Postoje organizacije koje promovišu ljudska prava a

**TRANSPARENTNO
ZA INTEGRITET**

**TRANSPARENTNO
ZA PARTNERSTVO**

**TRANSPARENTNO
ZA FILANTROPIJU**

**TRANSPARENTNO
ZA ODRŽIVOST**



Damjan Ožegović
Transparency International



Aida Daguda
CPCD



Hajdi Mostić
Filantropski forum



Alija Hamzić
Mreža za izgradnju mira

narušavaju ih kod svojih zaposlenika. Svi smo svjesni organizacija koje u stvarnosti ne rade ono za što se zalažu i svi smo čuli za barem jednu takvu organizaciju. Ukoliko nastavimo ovako mislim da cijelo društvo nema smisla. Što se tiče etičkog kodeksa, u njega smo uložili puno energije. Nastao je prije 18 godina (2006.god). Tada smo odlučili pričati o našim vrijednostima i staviti to na papir. Iskreno, trenutno nemamo veliko interesovanje za etički kodeks. Čak nismo sigurni ni da 160 organizacija koje su ga potpisale, isti poštuju i primjenjuju. Potrebno je da stavimo u fokus predispozicije svih nas i naše vrijednosti, tj. da li stvarno radimo ono za što se zalažemo. Malo nas je potpisalo i sam kodeks a i prethodno spomenute Standarde transparentnosti i odgovornosti koje je Fondacija pokrenula. Šta je sa 19500 drugih organizacija? Oko 500 istih organizacija se većinom vrti po svim događajima. Građani vide ostale organizacije koje uzimaju novac i rade neadekvatne stvari. Zbog svega navedenog transparentnost je bitna!”

Tahir: „Kako objasniti donatorima srž cijelog problema. Kad smo visoko koruptivni kako pridobiti donatore da baš nama daju povjerenje?”

Aida: „Smatram da nisu ni donatori bez „oraha u džepu“. Često se ne konsultuju sa nama kada odlučuju za šta će dati novac u BiH. Oni vide situaciju pronevjerene novca, koja mnogo uništi imidž našeg sektora. Svi koji su finansirani od donatora znaju koliko povećavaju zahtjeve svake godine, a ne možemo se ni čuditi, sve zbog navedene situacije. Dakle, donatori vide situaciju i vide da nije tako sjajno. Predlagali smo donatorima da kada dodjeljuju novac provjere nivo transparentnosti organizacije, međutim smatraju da je to dodatna obaveza i njima a i grantijima.“

- **Tahir i Hajdi Mostić**

Tahir: „Filantropski forum predstavlja ujedinjenje filantropa, biznisa itd, za filantropije. Koliko je transparentnost važna donatorima sa kojima sarađujete?”

Hajdi: „Kompanija Telemach je osnovala fondaciju kako bi se strateški okrenula filantropskim aktivnostima. Bilo nam je teško da se snađemo u tom svijetu. Kompaniji su dolazili dnevni upiti za podršku od pojedinaca i organizacija i zbog toga smo osnovali fondaciju. Filantropski forum je nastao kako bismo ih sve okupili na jednom mjestu i poslali jaku poruku da treba djelovati na ovako uvezan način sa donatorima, kompanijama, pojedincima isl. Transparentnost je ključ.“

Tahir: „Koji su principi Vašeg rada?”

Hajdi: „Organizacije koje nam se javljaju moraju imati transparentnost i to zahtjevamo. Certificiranje organizacija je ključ za rast bilo kog sektora. Ne razgovaramo sa vama ako ne date svoju ličnu kartu i ako se ne dokažete. Umrežavanje je zbog toga značajno, kada želimo da kontaktiramo druge da provjerimo neke informacije. Naprimjer, kada razmišljamo o podržavanju nekog grantija. Ukoliko se pokaže da nema dobre preporuke mi mu kažemo da radi na Transparentnosti jer je njihova lista pokazala da nisu kredibilan partner.“

Tahir: „Kakve su bile reakcije?”

Hajdi: „Neki se više ne jave, a neki naprave korak i žele pojasniti i traže savjete kako da poboljšaju svoj rad da bi se naredne godine mogli ponovno prijaviti. Postavljanje standarda je zbog toga važno. Naš process odabira grantija isto tako mora biti transparentan (ponderi, ocjene, komisija).

Filantropski forum je mjesto gdje pokušavamo uspješne priče staviti u focus. Stojimo na raspolaganju svima da podijelimo iskustva, da izgradimo sistem vrijednosti, kriterije i način rada koji će biti povezan sa standardima...da budemo direktni sa grantijima. Godišnje dodijelimo 10 grantova. Naši grantiji su “prošli sito i rešet” ali je sve i jedna organizacija privukla pažnju novih donatora, napravile su iskorak. Zbog toga je važno da projekti budu samoodrživi. Naši grantiji ne dobijaju podršku “slučajno”, oni dokažu da su vrijedni dobivene podrške kroz samoodrživost, ostvarivanje novih partnerstava i slično...”

- **Tahir I Alija Hamzić**

Tahir: „Koliko je mreža mira podržala resursnih organizacija i koliko su one transparentne i odgovorne?“

Alija: „Podržali smo oko 250 organizacija, članstvo je šaroliko. Jako teško je sa njima držati kontakt. Grantove dajemo preko USAID programa „Snaga lokalnog“. Trenutno podržavamo 10 lokalnih organizacija koje taj fond dijele dalje. Ukupan broj organizacija koje će taj novac primiti je oko 120. Radi se o lokalnim manjim organizacijama koje su naši tipični klijenti. Skoro svi imaju problema sa samoodrživosti. Naš zadatak na ovom projektu prolazi malo ispod očiju javnosti jer, za razliku od ostalih, radimo jedan drugačiji posao koji se odnosi na jačanje malih organizacija. Cilj ovog projekta je jačanje uloga organizacija kroz njihovo povezivanje i razvoj njihovih kapaciteta.“

Tahir: „Kako ih potičete na transparentnost?“

Alija: „Naših 10 grantija jačamo da nastave dalje raditi i prenositi stečena znanja i iskustva na druge manje organizacije. Transparentnost manje-više očekujemo. Mada, nama se čini iz iskustva da transparentnost koja je obavezujuća nije dovoljna. Moramo naći bolji način da javnosti pokažemo šta radimo.“

Pitanje učesnika i diskusija:

„Kako utjecati na tako veliki nepostojećih ali i koruptivnih organizacija, jer one direktno negativno utječu na organizacije koje žele raditi odgovorno i transparentno?“

Aida: „Jako je teško utjecati, to je koruptivna hobotnica. Potrebno je uključiti se aktivno i podići nivo interesa javnosti. Tražiti sastanke sa vlastima, žaliti se, pisati na društvenim mrežama, napisati žalbu ministarstvu. Provjeriti organizacije kojima su dodjeljeni grantovi. Potrebno je da više organizacija potvrdi transparentnost određene organizacije. Aktivno učešće u svemu tome je jako bitno...“

Tahir: „Damjane, može li Transparency pomoći u ovome?“

Damjan: „Imamo centar za pružanje besplatnih savjeta, tačnije info liniju. Imali smo mnogo upita u situacijama kada je nekoliko organizacija uvijek bilo rangirano pri vrhu i dobijale su sredstva. Okupile su se organizacije koje nisu primale sredstva i tražile su objašnjenja. Pomogli smo im javnim pritiskom i adresiranjem javnim organima. Zbog takvih situacija postoji centar za pružanje pomoći.“

Hajdi: „Takve primjere mogu poslati Filantropskom forumu, jer je značajno kada glas podigne neko ko ima izgrađeno ime i to je jedan od načina da napredujemo i mijenjamo stvari.“

Aida: „Mi kao organizacije smo se svašta obavezali ali mislim da to ne poštujemo. Kad primijetimo neki korak koji vodi ka većoj Transparentnosti vlasti u civilnom društvu, mi to moramo podržati. Mnogo organizacija ovdje ne učestvuje u implementaciji IPE 3 u BiH. Vlast ne zna kako da komunicira sa OCD, a trenutno je u toku programiranje IPE, odnosno toga šta će finansirati EU u narednom period. Zato što ne učestvujemo u ovakvim stvarima, novac i ne ide u najprioritetnije svrhe. Naša vlast je dobila zadatak da organizuju te susrete i pozvali su OCD ali je slab odgovor sa naše strane. Trebate se svi odazvati na konsultacije i aktivirati se. Pozivam sve organizacije da izađemo iz zone komfora i upustimo se u rizične vode za bolje svih nas.“

Tahir: „Šta se očekuje od organizacije koje su dio Mreže a i onih koje žele postati?“

Alija: „Bolje je pitanje šta organizacije očekuju od nas jer 250 organizacija je nemoguće ispratiti. Istraživanje jednog američkog novinara kaže da je primijetio da ljudi teže da se okupe u grupe, naprimjer grupe stanara. Društvo u katastrofalnim situacijama ima sposobnost da se organizuje u grupe od 50 ljudi otprilike. Jedan paradoksalni podatak je da ljudski mozak ne može da njeguje više konekcija. Zbog toga su brojne vojne jedinice organizovane na takav način. U Mreži mira imamo jedinicu od 256 članova to nikako ne može da funkcioniše komunikacijski i zbog toga je potrebna segmentacija. Sad smo u procesu reorganizacije mreže, gdje ćemo članicama ponuditi više razloga da budu članice, a i olakšati komunikacijski ciklus sa nama. Mi smo, za trenutnu situaciju u Jablanici, kontaktirali dvije organizacije iz Mostara koje su dalje kontaktirale druge, a sve sa ciljem kako bismo mogli lakše i brže pomoći. To olakšava svima nama, da imamo grupe sa kojima možemo da komuniciramo, a da one komuniciraju dalje.“

Tahir: „Ministarstvo pravde je započelo izgradnju saradnje sa civilnim sektorom. Šta bismo mogli znati? Dokle se došlo? Koji su najvažniji segmenti? Koliko ste vi zadovoljni transparentnošću u cijelom pitanju?“

Aida: „Hvala na pitanju, informacija je važna. Strategija je započeta u decembru prošle godine. Naše ministarstvo je nakon 3 godine plana krenulo u realizaciju. Napravljen je prvi nacrt i kreirana je radna grupa. Organizacije su pozvane na prvi krug konsultacija i dobili smo puno sugestija i primjedbi što smo i željeli. Ono što je važnije jeste da kada se završi finalna verzija ponovo će se održati konsultacije i molim sve prisutne da se uključe. Veliki je problem u informisanju jer mi nemamo centralni dio gdje se NVO mogu informisati. Važna je iskrena povratna informacija na konsultacijama. Do kraja godine se predviđa da bude gotov cijeli dokument.“

Damjan: „Platforma za razmjenu iskustava u radu i djelovanju može biti aplikacija koju Transparency razvija. Radi se o platformi „Forum poslovnog integriteta“, namjenjenoj za komunikaciju, razmjenu mišljenja i iskustava svih koje

interesuje oblast korporativnog upravljanja u javnim preduzećima, jačanja integriteta i borbe protiv korupcije. Naši eksperti na ovom forumu će pokretati teme, dijeliti literaturu i odgovarati na pitanja koja mogu pomoći zaposlenicima javnih preduzeća u izradi planova integriteta, etičkih kodeksa, antikorupcijskih programa i drugih korisnih dokumenata.

Tahir: "Hajdi, proveli ste anketu i izlistali rezultate koji se očekuju od OCD, na posljednjem mjestu je transparentnost. Može li transparentnost pomoći u jačanju povjerenja poslovnog sektora ka OCD i u podržavanju više projekata?"

Hajdi: "U filantropskom forumu smo spojili poslovni i OCD svijet kako bismo radili na promjenama u okruženju. Finansijski okvir je jako važan. Mi znamo da milioneri daju mnogo novca i da žele promjenu ali njih poreske olakšice muče. Dosta kompanija donira adhock. Kreiranje tog finansijskog okvira i regulative je važno, kako bi mogli uložiti novac negdje i da ne moraju platiti porez, a da urade dobre stvari. Sada svi imamo finansijske inspekcije koje dolaze kod poslovnog sektora i prave im problem zašto su negdje donirali određeni novac. Za ove i slične inicijative trebamo sve vas. Naša saradnja je veoma važna i ovaj forum je izvrsna prilika da se povežemo i radimo zajedno na tome. Stoga ovo je zajednički poziv svima vama da se učlanite u filantropski forum."

Pitanje učesnika i diskusija:

"Da li je isto ukoliko tražimo transparentnost i odgovornost od malih organizacija sa dva zaposlenika i velikih i moćnih organizacija i ministarstava?"

Damjan: "Da, apsolutna odgovornost može svima dati korist, a nedostatak može nanijeti samo štetu."

Aida: "Odgovornost je ista za sve"

"Kako prikazati benefite transparentnosti i motivirati OCD da primjenjuju transparentnost u svom radu?"

Hajdi: "Trebamo pričati pozitivne i dobre primjere. Meni je bilo fascinantno gledati rezultate koje smo postigli kod organizacija sa kojima smo radili. Misija je da pokrenemo održivost i da ljudi dalje rade na standardima, a da budu održivi. Partnerstva su im važna i trebamo koristiti jedni druge kao referencne liste. Ta transparentnost se vidi i ona se unovčila. Jedna od organizacija koju smo podržali je rekla da smo vratili dostojanstvo u njihov mali gradić. Transparentnost i odgovornost se isplati više nego što mislite."

Alija: "Pitanje je dobro zbog rješenja. Kako mijenjati percepciju? Možda trenutno nemamo odgovor ali to trebamo razviti u narednom period. Kako to prenijeti dalje organizacijama koje ne znaju dovoljno o tome i koje ne rade transparentno? Na nama je da dođemo do rezultata i smislimo to operativno. Najbolji način je da im kroz sopstveni rad budemo primjer..."

Panelisti su uputili završne poruke prisutnima:

Alija: "Jutros kada sam krenuo na posao, ulazim u trolejbus na kojem se nalazi reklama Filantropskih dana Fondacije tuzlanske zajednice i govorim ljudima – sa njima ja radim! Partnerstva su važna!"

Hajdi: "Zajedništvom ćemo sigurno ubrzo napraviti ove promjene, da nam svima bude lakše, da budemo efikasniji i sretniji."

Aida: "Ja bih se vratila na početak i istaknula vrijednosti kao veoma važan aspekt. Mislim da svako sa sobom treba da porazgovara na tu temu, naročito organizacije."

Damjan: "Ja bih poručio da je web sajt naša lična karta i da otvorenost i transparentnost možemo ostvariti jer transparentnost i povjerenje idu direktno ruku pod ruku."

SLIKE SA UČESNICIMA



Na samom kraju prikazani su rezultati ankete koju je sproveda Fondacija tuzlanske zajednice, a na čija su pitanja odgovore davali prisutni.


Da li biste željeli postati dio mreže/liste OCD koje su prihvatile i poštuju Standarde transparentnosti?

Multiple Choice Poll ☒ 31 votes  31 participants

DA - 30 votes



NE - 0 votes



TREBAM JOŠ RAZMISLITI - 1 vote




NE ZNAM - 0 votes




Koju bi Zvijezdu transparentnost dobila vaša organizacija ukoliko bi odmah prihvatila predložene Standardne transparentnosti?

Multiple Choice Poll ☒ 29 votes  29 participants

BROZANU - 1 vote



SREBRENU - 7 votes



ZLATNU - 17 votes



PLATINASTU - 4 votes



Da li vaša organizacija posluje u skladu sa predloženim Standardima transparentnosti?

Multiple Choice Poll ☒ 28 votes  28 participants


DA - 15 votes




NE - 0 votes



MOŽE BOLJE - 13 votes



NE ZNAM - 0 votes





STRUČNI FORUM

TRANSPARENTNIM I ODGOVORNIM RADOM
GRADIMO POVJERENJE I JAČAMO FILANTROPIJU

4.10.2024. 14:00-17:00h HOTEL MELLAIN, TUZLA

AGENDA

14:00h – 14:30h

POZDRAVNE RIJEČI I UVOD U TEMU

Transparentno za povjerenje,
Jasna Jašarević, Fondacija tuzlanske zajednice

14:30h – 15:30h

PANEL DISKUSIJA NA TEME:

Transparentno za integritet
Damjan Ožegović, Transparency International

Transparentno za partnerstvo
Aida Daguda, CPCD

Transparentno za filantropiju
Hajdi Mostić, Filantropski forum

Transparentno za održivost
Alija Hamzić, Mreža za izgradnju mira

15:30h – 16:30h

DISKUSIJA (KAFE PAUZA OD 15:45 DO 16:00)

16:30h – 16:45h

ZAKLJUČCI PANEL DISKUSIJE

16:45h – 17:00h

KRATKA ANKETA SA UČESNICIMA

16:45h – 17:00h

FOTOGRAFISANJE SA UČESNICIMA

BHRT NI TK

RTV7 KAMELEON

RSG
RADIO

TV



USAID
OD AMERIČKOG NARODA



DANI
filantropije
2024.